

9 عادات طورها وحوش فلوس أكثر



"ليس بمقدار الأموال التي تجنيها ، ولكن بحجم الأموال التي تحتفظ بها" - روبرت كيوساكي.

تغيرات بسيطة في عاداتك وحياتك اليومية تساعدك إنك تقدر تحوش لمستقبلك من غير أي مجهود ، ومش هتبقى محتاج أنك تتكشف في حياتك وتحس أنك بتستغنى عن حاجات كتير أنت عايزها.

اتبع نصايح **نقود** الجاية وھتنبھر بالنتيجة:

1- بدل اللمبة العادية بلمبة موفرة (LED):

التبديل ده أكثر حاجة ممكن توفر في إستهلاك الكهرباء ومش بس كده وكمان هتوفر لك فلوسك علشان عمرها الافتراضي أكثر من اللمبة العادية وده معناه إنك مش محتاج كل شوية تشتري لمبة جديدة. وده غير إن لمبات الموفرة بتوفر إلى 70% من استهلاكك .



2- وفر استخدامك للغاز:

- اتمشى لو عندك مشوار قريب بدل متاخذ عربيتك، ده هيفيدك توفر فلوسك وتحافظ على صحتك.
- اتأكد دايما إن عجل عربيتك منفوخ كويس علشان ده ممكن يقلل 8% من استهلاك البنزين/ الغاز.
- اركب أنت وزمائك للشغل مع بعض ده هيفوفر في مصاريف البنزين الشهرية.

3- وفر في المياه:

- اقل حنفية المياه وإنت بتغسل سنائك ده ممكن يوفر حوالي 6 لتر في دقيقة.
- اغلي مياه على قد مانت محتاج ده هيفوفر في المياه المستهلكة وكمان في الكهرباء.
- جمع هدمك واغسلها مرة واحدة بدل ماتغسل على كذا مرة وتستهلك مياه وكهرباء أكثر.

4- اشترى مستعمل:

أنت ممكن تجيب الحاجة الي انت عايزها بس بسعر أقل بكثير لو اشترتها مستعملة وھتكون ممكن حالتها كويسة زيها زي الجديدة.

5- شيل الأجهزة الغير مستخدمة من الفيشة:

لما بتسيب أجهزة الكهربائية في الفيشة حتى لو أنت مش بتستعملها برده بتسحب من الكهرباء وهيزود الفاتورة في آخر الشهر. دايما اتأكد أنك شائل الأجهزة الي مش بتستخدمها و وفر فلوسك.

6- الحصول على شريك للغرفة:

عندك أوضة فاضية مش محتاجها في بيتك تقدر تستغلها إنك تأجرها لحد واقسموا ثمن الأيجار ومصاريف البيت بينكم. ده هيساعدك إنك توفر وتحوش أكثر .

7- بيع حاجتك القديمة:

لما تبيع حاجتك القديمة ده مش بس هيكون مصدر دخل وبيوفر فلوس , ده كمان هيووفر مساحة في بيتك. فانت في الحالتين كسبان. في تطبيقات كتير وصفحات كتير على فيسبوك تقدر تسعدك في انك تبيع حاجاتك المستعملة.

8- خدمة تقاسم سيارة أجرة:

اقسم تمن التاكسي مع زميلك أو صاحبك ده هيساعدك توفر فلوس زيادة يوميا.

9- رشد استخدامك للتدخين:

لما تبجي تحسب في آخر الشهر مصاريف تدخينك هتكتشف إنه واخد جزء كبير من دخلك الشهري لآكن لو قليت من تدخينك ده هيساعدك إنك توفر وتقدر تحوش أكثر.

* أجري بحث في عام 2014 يقضي فيه المدخن المصري العادي حوالي 9142 جنيه مصري سنويًا على التدخين ، لذا فإن تقليل الاستهلاك بمقدار النصف يمكن أن يساعد في توفير 4571 جنيهًا مصريًا سنويًا*

في النهاية، ما تستقلش أبدًا من المبلغ الي هتقدر تحوشه لو اتبعت نصايح نقود. وخليك دايمًا عارف إنك توفر من فلوسك لضروره ده شيء مهم جدا علشان هيليك تعرف تأمن مستقبلك صح ومش بس كده ده كمان ممكن يشجعك إنك تجرب حاجات جديدة وتقدر تتحمل أي خطورة مسئولية جديدة.